



Universitätsbibliothek Paderborn

**Vita P. Camilli De Lellis Fvndatoris Religionis Clericorvm
Regvlarivm Infirmis Ministrantivm**

Cicatelli, Sanzio

Antverpiæ

Cap. V. Camillus mutat pristinum modum ministrandi infirmis. Pontifex aliquos è nostris in Hungariam mittit.

urn:nbn:de:hbz:466:1-37267

Xenodochij ingressum præsens adesse cùm
percuperet, illuc magnis itineribus & citatis
equis contendit, veritus ne sibi aditus inter-
cluderentur. Quòd cùm peruenisset, compe-
tit duos è nostris Lazarettum iam intrasse, &
illius adiutandæ familiæ partes suscepisse. E
qua familia licet vñus in ipsorum brachiis ex
pestilentia extinctus fuerit, ipsi tamen Dei
beneficio exactis quadraginta diebus separa-
tionis, sani & salui citra vñlum contagionis
vestigium euaserunt.

C A P V T . V.

*Camillus mutat pristinum modum mini-
strandi infirmis. Pontifex aliquos è no-
stris in Hungariam mittit.*

CVm esset Camillus Mediolani, & ar-
denti incitaretur studio semper impen-
siùs in pauperum commoda incumbendi,
postulatu atque impulsu dominorum Xeno-
dochii aduigilantium, nonnihil pristinum
modum ministrandi infirmis immutauit:
suscepta nimirum integra magni Xenodo-
chij cura, totq[ue] personis illi attributis, at-
que ibidem habitare iussis, quot priùs inha-
bitabant famuli mercenarij. Quæ mutatio
facta est septimâ Februarij, anno Domi-

L 5 ni

170 VITÆ P. CAMILLI DE LELLIS
ni M. D. XC V. Et hanc infirmis ministran-
di rationem dicebat conformem esse pri-
mæ suæ intentioni , quam in sancti Iacobi
Nosocomio habuisset , cùm ad fundandam
Congregationem diuino instigante spiritu
motus fuit : sed tamen quia hæc seruitij mu-
tatio res noua multis visa est , cùm aliter sci-
licet hactenus ab ipsis seruata esset , hoc est ,
cum solitis visitationibus , cœpit Religio ei
contradicere , & afferre , hunc nouum mo-
dum in Bulla fundationis neque contineat
neque speciatim indicari , sed neque possibi-
le videri , ut ea prætentur ab hominibus vo-
torum vinculo adstrictis , quæ prius exequi
destinarat cum hominibus sacerularibus ac li-
beris . Durauit interim hæc disceptatio ipsos
quinque annos cum tanto Religionis detri-
mento atque vexatione , ut crederetur dæ-
mon ipse ex inferorum solutus compedibus
ad eam extirpandam , ac prorsus disperden-
dam . Cui controuersiæ tandem per Dei
gratiā à Clemente VIII. Pontifice finis est
impositus , datâ nouâ Bullâ , sicut suo loco
dicturi sumus , ita ut dæmon omnino con-
fusus ac prostratus fuerit . Eodem ipso an-
no , mense Iulio , cùm decreuisset idem Cle-
mens Pontifex nonnullas copias gentis Ita-
licæ ad Strigonij urbis recuperationem mit-
tere , iudicauit è publicæ rei bono esse , præ-
ter

ter nonnullos alios Religiosos , etiam aliquot è nostris in auxilium & curam infirmorum, atque in suo sacro exercitu morientium , simul amandare . Significauit igitur quot mitti desideraret ; & Camillus desiderio Pontificis satisfacere volens , octo è nostris misit . Arbitratus autem magni interesse , vt sui in hac missione (vtpote prima qua Romani Pontifices illorum vterentur opera) iuit ipsem cum illis Tridentum usque , vt illos Patres toto isto itinere condiceret , quantum laboris suscipere conueniret in animarum illarum subsidio atque seruicio ; speciatim verò admonuit , vt hæreticorum vitarent congressus : vt pacem & concordiam inter se alerent : vt alias operibus magis quam sermonibus instruerent . Deinde aliis quoque multis documentis scripto exhibitis munitos complexus & benè precatus dimisit . Ipsi verò opitulante Dei gratia magno illis militibus infirmis , vulneratis , moribundis adiumento fuere : quorum curam in Nosocomiis Viennæ , Comari , Alæ & Possonij gesserunt , insuperque intotoriis apud Strigonium , multa ægrorum amore à vento , à frigore , à pluuiia tolerarunt : speciatim procedente exercitu , dum in nauibus aut in curribus maior erga eos cura reuireretur . Postmodum autem capto

Stri-

172 VITÆ P. CAMILLI DE LELLIS
Strigonio , & dimisso exercitu reuersi sunt
omnes in Italiam salui & incolumes , præter
vnum Hannibalem Montaggiosum Pataui-
num , qui multis consumptus laboribus &
defatigationibus , super vno curru , dum à
Nefactio peteret Possonium , morti succu-
buit . Eum auriga in campo ad ripam Da-
nubij sepelivit , nulla pro tempore alia ce-
remonia aut paratu exequiarum usus , quam
quod terra operuerit , & crucem ligneam
ponè caput fixerit . Tanta charitate Fra-
ter ille illustris fuit , vt etiam sacerdotalis &
miles (nam inter milites grauis armatu-
rae tum militabat) cùm fortè semel pau-
perem mendicum graui frigore caput al-
gentem vidisset , eius miseratione tactus ,
instar alterius sancti Martini , gladio galerum
suum militarem disciderit , partemque di-
midiatam illi dederit : neque omnium suo-
rum commilitonum risus atque iocos (qui
gestantem galerum sine superiori orbe ca-
uillis excipiebant floccifecerit .

CA.